

HELSE STAVANGER HF  
Postboks 8100  
4068 STAVANGER

Dykkar ref.:      Vår ref.:  
2021/1384 - 10299/2021

Sakshandsamar:  
Synnøve Odden Teigelid

Dato:  
08.12.2021

## **Prosess fram til styrebehandling av konseptrapport for Nye SUS byggetrinn 2**

Helse Stavanger gjennomfører konseptfasen for Nye Stavanger universitetssjukehus, byggetrinn 2, i tråd med «Veileder for tidligfasen av sykehusbygg». Dette inneber å utarbeide ein konseptrapport, inkludert ei vurdering av økonomisk berekraft, som skal leggjast fram til godkjenning av styret i Helse Stavanger og Helse Vest RHF.

Etter dialog med Helse Stavanger er det ei målsetting om å leggje fram konseptrapporten for Nye Stavanger universitetssjukehus, byggetrinn 2, til behandling i styret i Hele Vest RHF i juni 2022. Helse Vest RHF ønskjer i samarbeid med Helse Stavanger å starte arbeidet med å avklare nødvendige aktivitetar for å sikre ein god prosess fram mot juni 2022.

Bakgrunnen for å planlegge styrebehandling i juni 2022 er at både Helse Stavanger og Helse Vest samla planlegger med eit høgt investeringsnivå dei næraste åra. Totalt for Helse Vest utgjør planlagde investeringar i perioden 2021-2026 om lag 24 milliardar kroner. Det er derfor naudsynt å behandle byggetrinn 2 fase 1 i lys av oppdatert økonomisk langtidsplan for heile Helse Vest. Etter planen skal oppdatert økonomisk langtidsplan styrebehandlast i mai/juni 2022. Ein vil då kunne ha ein god prosess med å greie ut rammene for eit byggetrinn 2 fase 1 sett i lys av Helse Vest sin totale evne til å finansiere ein del av prosjektet.

Helse Stavanger har arbeidd ut ifrå ein plan om å få tildelt lån til byggetrinn 2 fase 1 i Statsbudsjettet for 2023 og at ein av den grunn måtte få vedtak i styret i Helse Stavanger og Helse Vest RHF før jul i år. Ein prosess der ein no får vedtak i styrene innan sommaren 2022 gjer at ein vil kunne søkje lån frå staten i Statsbudsjettet for 2024.

Helse Vest RHF vil i prosessen kunne stille finansiering til disposisjon til forberedande aktivitetar slik at ein taper minst mogleg tid for realisering av eit byggetrinn 2 fase 1. Rammene for dette må og bli eit tema i prosessen fram til vedtak i juni 2022.

Helse Vest RHF ser fram til godt samarbeid om prosessen med å ta ei avgjerd om og finansiering av eit byggetrinn 2 fase 1 i Helse Stavanger. Målet er å ikkje tape vesentlig tid når det gjeld framdrift på byggeprosjektet, sjølv om ein planlegg for styrebehandling i juni 2022.

Vennleg helsing

Inger Cathrine Bryne  
administrerande direktør

Per Karlsen  
økonomi- og finansdirektør

*Dokumentet er elektronisk godkjent*